


Friday, February 6, 2026

Time - 2:30pm - 2:35pm

AKASHVANI AIZAWL
REGIONAL NEWS UNIT

REGIONAL NEWS BULLETIN




HIGH COURT ON NH

Nilaini (February ni 4) khan Gauhati High Court, Aizawl Bench-a judge pahnih thutna bench chuan Mizoram Truck Drivers Association (MTDA) thu thehluh chungchangah thutlukna siamin Sairang leh Bilkhawthlir inkar kawngpui siamtu contractor chu kumin April thla tawp hma ngei a kawng siamthat hna zo turin a hriattir.

Justice Marli Vankung leh Justice Mridul Kumar Kalita-te thutna bench hiuan Kawnpui leh Sairang inkar kawngpui dinhmun chhe tak chungchanga MTDA-in nikum lama PIL an thehluh chu ngawihtuahna kal zelah Nilaini khan thupek hi a chhuah a. He lai kawng siamtu contractor J. Infratech Ukil Anil Kumar chuan hnathawktu mi 87 Project-1 ah, mi 96 Project 2 ah an chhawr mek thu court a hriattir a. Heng bakah hian Excavator panga, Back hoe loader panga, tipper sawm pathum, roller pasarih, water tanker pali te'n hnathawhna hmun an vil reng thu court hi a hrilh a. Court chuan J. Infratech Ltd. chu Bilkhawthlir leh Kolasib inkar kawngpui, Kawnpui leh Khamrang inkar leh Buichali leh Sairang inkar kawng siam thatna-ah chuan theihtawp chhuah tur leh hnathawk leh hmanrua dah belha hman belh zel turin thu a pe a, an hnathawh chu kumin April thla tawp hma ngeia zo turin thu a chhuah bawk a ni.


Court chuan J. Infratech Ltd chu kumin January ni 22-a meeting minute hmanga hrilh an nih anga hmanrua belh a nih dan leh hna kalpui hmasawwna chu additional affidavit hmangin thehlut turin thu a pe a. He thubuai hi thla thar March ni 11-ah ngaihtuah leh turin a ruat nghal niin, ukilte chuan an sawi.



SECs CONFERENCE

Election Commission of India (ECI) chuan February 24 khian ram pum huap State Election Commissioners (SECs)-te inkhawmpui a buatsaih dawn, State leh Union Territories tina State Election Commissioner te chu Bharat Mandapam, New Delhi a huahawt tur he inkhawmpui-ah hian tel vek tura beisei an ni.


Chief Electoral Officer (CEO) pisa atanga thu dawn danin he inkhawmpui-ah hian Mizoram CEO bakah State Election Commissioner leh an thawhpui, a bikin mithiamte pawh an tel ve dawn a. He National SEC Conference hi kum 25 hnua buatsaih leh hmasak ber tur a ni a, hetiang conference neih hnuhnung ber chu kum 1999-ah khan a ni. Chief Election Commissioner (CEC) Pu Gyanesh Kumar chuan Conference hi a kaihruai anga, Election Commissioner pahnih Dr. Sukbhir Singh Sandhu leh Dr. Vivek Joshi te pawn State Election Commissioners-te lawmna thu an sawi bawk ang. He inkhawmpui koh chhan leh tum ber chu inthlanna buatsaih leh a kaihnawih kawnga ECI leh SEC ten thawhhona tha an neih theih na'n a ni a. He huna telte hian State/UT tina inthlan kaihnawih dan (laws) te, tunlai thiamna a bikin ECI in an siam thar ECINET hman tangkai dan tur leh EVMs chungchang te an sawiho bawk dawn a ni.



MNF-MEDIA

MNF Media and Publicity Board Vice Chairman J. Malsawmzuala Vanchhawng chuan chanchinbumite hnathawhna-a an zalenna leh ethics pawh vawnghim thei lo khawpa nekchep a an awm chu Mizorama la thleng ngai lo a ni a ti.

He thu hi vawiin khan MNF party pisa - Mizo Hnam Run chhung inkhawm neih-ah sawiin, PM-USHA hnuaia sum kal fel lo chhuitu Committee on Petitions-in Speaker hnena report an thehluh chungchanga Doordarshan reporter, Lalnunzira'n DDK-a report a ziah danah journalist-in zalenna an neih pawh hmang thei lo a an siam chu a dem thu a sawi a. DDK Reporter hian a ti dik lo a nih chuan reporter lakah hian Defamation Case thehlut se, hemi chungchanga mawhphurhna nei lo a nupui lakah sorkar in hremna a lek chu a dem takzet tih a sawi a. Pu J. Malsawmzuala hian Journalist te zalenna rap bet tu-ah Education Minister a puh a, he hremna hi Minister in hnuk let leh ngei turin a phut tih a sawi a ni.



RED FEST

Health Minister Pi Lalrinpuii chuan North East Multimedia Campaign (Red Fest) 2026 HIV/AIDS inzirtirna Kutah khuallian niin hun a hmanpui.

Health Minister Pi Lalrinpuii hian vawiin khan LPS Arena, Falkland ah HIV/AIDS awareness atan buatsaih, North East Multimedia Campaign (Red Fest) 2026 ah khuallian niin hun a hmanpui a, Chief Secretary Pu Khilli Ran Meena chuan inkhawm a kaihruai. Pi Lalrinpuii chuan hmarchhak state-te hi HIV/AIDS ah an sang em em a, ram pum huapa HIV hri kai 0 point 43 a nih laiin Mizoram chu 2 point 73 niin mihring awmzat atanga chhuta HIV hri kai tamna ber a ni, a, a zahthlak a tih thu a sawi bawk. Mizoram hi mipui leh pawh hrang hrangte an tanrual chuan HIV hri vei hmar chhak state dang aiin a hniam theih thu a sawi bawk. Vawiina kan thupui ber chu i dinhmun hre rawh, tih a ni a, heihi vawiina Red Fest hmang tura kal zawng zawng ten an hriat a tha a ni a ti bawk. Tlawmngai pawlte leh Kohhran huaihawt thisen pek runpui an buaitsaih thinah te hian mifel tak tak anga vantlangin an ngai leh a hruaitute pawh HIV hrik pai an lo awm thin thu te sawiin Mizoram dinhmun hriat chian hi a tha in ram tan leh HIV kai tam lutuk tih ziaawm nan a pawimawh hle a ni a ti bawk.

He hunah hian hmar chhak state hrang hrang - Assam , Sikkim, Tripura, Arunachal Pradesh, Meghalaya, Manipur aiawhte leh Neuhof School Chanmari te'n rimawi hmangin hun an hmang bawk a ni.

